

Petikan dari Kitab [Zabur Surah 24](#).

Mazmur Daud.

- ¹Bumi ini milik TUHAN dengan seluruh isinya,
dunia, dan semua penghuninya;
- ²kerana Dia telah mengasaskannya di atas lautan dan menegakkannya di atas perairan.
- ³Siapa yang boleh naik ke bukit TUHAN?
Siapa yang boleh berdiri di tempat suci-Nya?
- ⁴Manusia yang bersih tangannya dan murni hatinya,
yang tidak mempersembahkan jiwanya kepada berhala
atau sumpah palsu.
- ⁵Dia akan diberkati TUHAN
dan menerima kebenaran daripada Allah Penyelamatnya.
- ⁶Iniilah keturunan yang mencari Dia,
yang mencari wajah-Mu,
Ya Allah Tuhan Yakub.
- ⁷Angkatlah kepalamu, wahai pintu gerbang;
dan terangkatlah, kamu pintu yang kekal,
Raja kemuliaan akan berangkat masuk.
- ⁸Siapakah Raja kemuliaan ini?
TUHAN yang gagah perkasa,
TUHAN yang perkasa dalam peperangan.
- ⁹Angkatlah kepalamu, wahai pintu gerbang;
angkatlah, kamu pintu yang kekal,
Raja kemuliaan akan berangkat masuk.
- ¹⁰Siapakah Raja kemuliaan ini?
TUHAN segala tentera — Dialah Raja kemuliaan.